

PƆLU KALATA'N M'Ɔ HELELI NWANLIN EFƐZI ASƆNIN MMA'N-MƆ'N

M'Ɔ wƆ nun'n

ƧemƆn mƆ PƆlv 'kele kalata sƆ'n, anun Ɔ la fiadi. Anun EfƐzi y'Ɔ ti Azi mƆn nun anun kulo kpili nun Ɔ. MƆn sƆ'n, ƐƐ be fele yí Tuluki. PƆlv yê Ɔ bƆli Ɛbele asƆnun nun abv Ɔ. Ɔ lili afvƐ nsan Ɛbele Ɔ sesielu asƆnun'n. AsƆnun'n kƆ tele dede Ɔ kƆ ju kulo bv nga'n mƆ be wƆ Ɛbele etin nun asv'n kƆalaatin. Ɔ ti ananhƆle ke EfƐzi dunman yê Ɔ fite Ɔ. KƆsv kalata nun Ɛhele mƆ PƆlv a hele'n, Ɔ ti etin sƆ nun asv asƆnun'n-mƆ kƆalaatin bƆ kalata. Yí ti yê PƆlv mmƆbƆ man menian dƆvn dunman yí kalata sƆ nun anun Ɔ.

Kalata sƆ'n, ye kƆala ke ye ce nun mgbili nnyuan. MƆ li mva'n (yí ti 1-3), PƆlv le yí Nyanmian aye Ɔ da yí asu wƆ yí nyila'n kƆalaa m'Ɔ fa man yé wƆ Kilisi dunman nun'n. Afi, bƆ mƆ be de Kilisi be di'n, m'Ɔ ti Zufv Ɔ, m'Ɔ ti man Zufv Ɔ, Zozi a han bƆ a bƆ nun Ɔ'a man b'a kaci Nyanmian anwƆntie mma. AnwƆntie mma sƆ'n-mƆ yê be fele bƆ asƆnun nun Ɔ. PƆlv le sele Nyanmian ke Ɔ mán be nyán yí Wawe Nwanzan-nwanzan'n nán b'a ti Kilisi ehulo nun abv kpa. M'Ɔ li sian'n (yí ti 4-6), PƆlv le bvƆv asƆnun mma'n-mƆ ke be bƆ abalabƆ kpa m'Ɔ sƆ Nyanmian anyin. Kalata nun agualie nun (6.10-18), Ɔ le kaci asƆnun mma'n-mƆ ke be fá Nyanmian ƐbƆ ninng'e'n-mƆ be síe bƆ nwƆn nán b'a hvƆla bƆ ja nun jinlan wƆ AbƆnsanmƆn naka junman'n m'Ɔ di nun anyunnun.

Ahū ebisa

¹ Mīn Pōlv, mō Nyanmīan a hulo ke n gáci Kilisi Zozi bōfvē'n, mīn yē mūn keke kalata ēhī mūn nwan emō mō be tī Nyanmīan anwōntiē mma [Efēzi kulo nūn asv elō], mō be de Kilisi Zozi be di'n.

² Mīn 'bisa emō ahūn. Yē Sī Nyanmīan Kpili nōn yē Mīn Zozi Kilisi nwūn emō anwōn anwunnvoe ēse be cíci emō alva.

Nyanmīan nyila'n-mō

³ Yē yī Nyanmīan Kpili m'ō tī yē Mīn Zozi Kilisi Asī nūn ayē. Ō sanlūn ke kemō yē nōn Kilisi a yō svanlan munmuan kōn'n, Nyanmīan a fa yī nyila'n kvalaa m'ō le yī anwunno elō'n ō'a man yē. ⁴ Ō nanndī Kilisi sv, Nyanmīan lili mva kpalī yē sielī kvalaaka nán ō'a bō mán'n. Afī ō kulo ke yē enanndiē'n yō nwannzan-nwannzan wō yī nyunnun nán ō'a nyan man yē nwōn ejōle ete ō'a ngan man. Ehulo mō Nyanmīan kulo yē nūn ati, ⁵ ō lili mva ō hyhyehī sielī ke ō 'fa yē kaci yī mma wō Zozi Kilisi dunman nūn. Ō yōlī yī sō, ō sanlūn ke ō yō yī enyūnmīn. ⁶ Afī, ō kulo ke yē mō yē tī yī mma'n, yē yī yī ayē, yē wula yī anunminnyanmōn ō fi yī ye kpilī'n mō ō'a yō yē nūn anwōn wō yī ehulo Baa'n dunman nūn. ⁷ Kilisi ewue'n m'ō wuli gualī yī moja nūn asī nūn a tua yē tī kalē'n. Nyanmīan ye kpilī ēhī mō ō'a man yē'n, ō'a man y'a nyan ete face. ⁸ Ye sō'n mō ō'a yō yē'n tī kpilī sōnman. Ō man yē ngele nōn ajōnlūn. ⁹ Ō nanndī Kilisi asv, nvialīe nūn ēhyhyē'n m'ō tī yī kunnun sv like, m'ō sesielī yī daba'n, ō'a yī ō'a hele yē. ¹⁰ Ehyhyē sō'n mō Nyanmīan 'ba gua yī bō mán nūn ayuelīe nūn'n y'ō le ke ō 'ba han anwunno elō nōn asīe nūn asv ewa ninngē'n kvalaatin bō nūn ō fa bē wula Kilisi m'ō tī kpain nūn asa nūn.

11 Ye nun Kilisi y'a yɔ sɔanlan munmuan kun. Y'a kaci Nyanmian menian. Ɔ sanlin ke Nyanmian kpalɔ yɛ sieli daba daba ɔ fi yɛ ehyihye nin anwɔn. Afi, ɔ'a hulo ɔ'a yɔ yɛ sɔ, 12 nán yɛ mɔ y'a li mɔa y'a fa yɛ lɔa'n y'a wula Ngɔandefɔe nin anun'n, ye yi Nyanmian ayɛ, ye wula yɛ anunminnyanmɔn. 13 Emɔ kɔsɔ, meɛ mɔ emɔ tɔli ananhɔle ejɔle'n, Ejɔlekpa'n m'ɔ man emɔ ngɔan'n, emɔ a le Kilisi a li. Ehika ati, Nyanmian a fa yɛ Wawe nwannzan-nwannzan'n m'ɔ falɔ bɔli anɔhuba'n ɔ'a wula emɔ nun. Ɔ kele ke emɔ ti yɛ die. 14 Wawe Nwannzan-nwannzan sɔ'n di ajinlanmun ke ye ti Nyanmian afilie nin anun menian. Ye le nwɔnnde ke ɔ lé yɛ ti bɔkɔɔ maan ye yɔ yɛ die dahuu nán y'a yi yɛ ayɛ y'a wula yɛ anunminnyanmɔn.

Pɔlv ebɔtɔe'n

15 Ehika ati, sian mɔ mín kɔsɔ m'an ti ke emɔ a fa bé dedi'n b'a wula yɛ Mɔn Zozi anun, ese emɔ kulo bé kwalaa mɔ be ti Nyanmian anwɔntie menian'n, 16 mɔn da Nyanmian asɔ cian biala wɔ emɔ dunman nun. Mín ti kaci emɔ mín mmɔtɔe'n-mɔ anun 17 mɔn sele yɛ Mɔn Zozi Kilisi Nyanmian'n, m'ɔ ti Siɛ'n m'ɔ le anunminnyanmɔn'n ke ɔ mán emɔ nwún ngele kpa, ɔ yɛ yɛ nwɔn yuein ɔ héle emɔ maan emɔ sí yɛ kpa bɔkɔɔ. 18 Ɔ mán yɛ kanlannie'n tá emɔ ajɔnlɔn nin anun yuein nán emɔ a ti anyɔndasɔe'n mɔ yɛ ti yê ɔ feleli emɔ nin abu. Ɔ mán emɔ ti yɛ bu ke ninngɛ mgbakpa'n mɔ ɔ'a fa ɔ'a sie yɛ anwɔntie menian'n-mɔ'n ti anunminnyanmɔn like m'ɔ ti man nzeɔmunde. 19 Ɔ mán emɔ tí yɛ bu ke yɛ tunmin'n ti kpili sɔnman man yɛ mɔ ye de Kilisi ye di'n. Tunmin sɔ'n, yɛ yê ɔ yɛ heleli anwɔnsele sɔ 20 ɔ manlin Ngɔandefɔe'n fi ewue nin anun tinngeli ɔ.

Ɔ'a fa yí ɔ'a sie yí anunminnyanmun lika yí sa fama su anwunno elɔ mân diɛ nun anun. ²¹ Ebele, Kilisi y'ɔ sie nyanmiansu mmɔfɔe mgbain nun nganngan'n-mɔ kwalaaatin ɔ. Bé mɔ be di kpain ɔ, tunminfɔe ɔ, kwalafɔe ɔ, bé mɔ be di belemgbin ɔ, yí y'ɔ sie bé kwalaa ɔ. Yí asasue'n tala asasue biala mɔ be kwalaa ke be nyan yí mân ehi anun nun fɔfɔle'n kusɔ mɔ Nyanmian 'ba bɔ nun anun diɛ'n. ²² Nyanmian Kpili a sie Kilisi kpain like biala asu. Ɔ'a fa yí a man Asɔnun'n. ²³ Asɔnun'n ti ke yí nwɔnnaan yê ɔ ti ke Asɔnun nun ati. Ɔ wɔ eyuadi'n lika kwalaaatin. Yí yê ɔ yí Asɔnun'n kpa bɔkɔɔ ɔ.

2

Nyanmian anwunnvoe'n

¹ Ehi, emɔ ete'n-mɔ ati, daba nun anun, Nyanmian nwun emɔ ke menian mɔ b'a wu ɔ. Ɔ sanlin ke emɔ fɔnnɔnlin yí. ² Mele sɔ nun anun, anun emɔ enanndiɛ'n nun eyuadi diɛ'n ti kɔn kpe. Abɔnsanmun m'ɔ ti eyuadi nun asu kpain'n, yí yê anun emɔ su yí ɔ. Kpain sɔ'n yê ɔ le di bé mɔ bé nyin ci Nyanmian nun anun junman temun ehi mɔ ye wɔ nun nun ɔ. ³ Daba nun anun, anun ke yé kwalaa ye ti yí nun anun. Like mɔ ete anwɔnnaan nun anyin bulu yí nwɔn'n yê ye kpɔnnde ɔ. Like mɔ ete anwɔnnaan'n nun yé ajɔnlin'n kulo ke ye yó'n, like sɔ'n yê ye yɔ ɔ. Ete'n mɔ b'a wu yé nun nun ati, yé ti menian mɔ Nyanmian sikpe'n ci yé ke menian bu nga'n-mɔ. ⁴ Nan Nyanmian Kpili a nwun yé nwɔn anwunnvoe. Ɔ sanlin ke ehulo'n m'ɔ kulo yé'n ti kpili sɔnman. ⁵ Yé mɔ yé ete'n-mɔ man ye wuli'n, ɔ'a man yé nun Kilisi y'a nyan nguan. Se emɔ a nyan nguan an, ɔ keke ke Nyanmian

a nwun emɔ anwɔn anwunnvoe ɔ'a man emɔ a nyan ngɔan. ⁶ Kilisi Zozi dunman nun, Nyanmian a man yé nun Zozi fi ewue nun y'a tinnge, yé nun yí ti anwunno elɔ mân nɔn anun. ⁷ Nyanmian a yɔ yí sɔ, ɔ'a hele ke mɛle'n m'ɔ le ba nɔn anun, yí ye nɔn anwɔn ninngɛ mgbakpa'n mɔ ɔ'a fa ɔ'a sie yé mɔ y'a le Kilisi Zozi y'a li'n ti man nzemɛnde. ⁸ Ɔ sanlɔn ke, se emɔ a nyan ngɔan an, ɔ keke ke Nyanmian a nwun emɔ anwɔn anwunnvoe, ɔ fi emɔ dedi nɔn anwɔn. Ngɔan sɔ'n mɔ emɔ a nyan yí'n, ɔ fi man emɔ muonun. Nan ɔ ti Nyanmian acedie. ⁹ Nán ke mɔndɔnlɔn mɔ emɔ a bɔ nɔn anun like ɔ, nán sɔanlan a fa a tu yí nwɔn. ¹⁰ Ɔ sanlɔn ke Nyanmian yê ɔ'a sesie yé ɔ'a bɔ yé ɔ. Ɔ'a bɔ yé ke ye nɔn Ngɔandefɔe Zozi ye yó sɔanlan munmuan kɔn nán y'a hɔala y'a yɔ nyɔɔie kpa. Nyɔɔie sɔ'n-mɔ, Nyanmian Kpili lili mɔa sesielɔ manlɔn yé ke ye yó.

Ye nɔn Kilisi a yɔ sɔanlan munmuan kɔn

¹¹ Ehi, b'a nwɔ man emɔ Zufɔ. Zufɔ'n-mɔ fele emɔ “bé mɔ be kpeli man bé mmian nun”. Be fele bé nwɔn “bé mɔ b'a kpe bé mmian nun”, ɔ fi nzɔle'n mɔ menian'n-mɔ a yɔ a sie yí bé nwɔnnaan nɔn asɔ'n. ¹² Emɔ káci ke mɛle sɔ nɔn anun'n anɔn emɔ nni man Kilisi afilie'n bie. Izalayɛ amma'n-mɔ anyunnun an, be nga man emɔ bie. Nyihye'n mɔ Nyanmian nɔn Izalayɛ amma'n-mɔ hyihyelɔ'n, anɔhuba'n m'ɔ bɔli bé'n, anɔn emɔ nɔn man nun bie. Emɔ gua mân nɔn anun mgban, emɔ le man anyɔndasɔe, ese emɔ nzi man Nyanmian. ¹³ Nan sian die, emɔ nɔn Zozi Kilisi b'a yɔ sɔanlan munmuan kɔn. Emɔ mɔ anɔn emɔ nɔn Izalayɛ amma'n-mɔ afian ti'n, Ngɔandefɔe Zozi moja nɔn a hyɔɔin emɔ ɔ'a mantan bé. ¹⁴ Ɔ sanlɔn ke Kilisi a man bé mɔ be ti Zufɔ o, bé

mọ be ti man Zufu o, yé kwalaa y'a nyan anzɔnunjɔ, ye non yí y'a yɔ swanlan munmuan kɔn. Anin Zufu'n-mọ non bé mọ be ti man Zufu'n be kpọ bé nwon. Ekpọ sọ'n ti ke tale m'ọ ja menian afian. Kilisi a wu ɔ'a tu ekpọ'n ke tale mọ b'a bubu yí ɔ. Ɔ'a han Zufu'n-mọ non bé mọ be ti man Zufu'n ɔ'a bọ nun, ɔ'a man b'a yɔ fatule kɔnmgba cein. ¹⁵ Kilisi a wu ɔ'a kpɛ Zufu'n-mọ mala'n non sɔ ninng'e-n-mọ anun. Ɔ'a han Zufu'n-mọ non bé mọ be ti man Zufu'n ɔ'a bọ nun. Ɔ'a man fatule nnyuan nun a yɔ fatule fufɔle baa kɔnmgba cein. Fatule fufɔle sọ'n non Kilisi a yɔ swanlan munmuan kɔn. Ke ɔ kpɔnlin yɔli mọ Kilisi a man y'a nyan anzɔnunjɔ nin anin. ¹⁶ Ekpọ'n m'ọ la fatule nnyuan nin afian'n, Kilisi a wu kɔlɔwa nin asɔ ɔ'a nunnun yí bɔsɔ. Ewue'n m'ọ wuli kɔlɔwa nin asɔ nin ati, ɔ'a han fatule nnyuan'n, ɔ'a bọ nun, ɛɛ ɔ'a sesie bé non Nyanmian bé afian. ¹⁷ Ɛhi, Kilisi a a, ɔ'a bọ Ɛjɔlekpa'n m'ọ man alɔacɔcɔe'n nin ɔ'a hele ɛmọ mọ be ti man Zufu mọ anin ɛmọ non Nyanmian bé afian ti'n. Ɛɛ Zufu'n-mọ mọ be man-tan Nyanmian kuku'n, Kilisi a a, ɔ'a bọ Ɛjɔlekpa'n m'ọ man alɔacɔcɔe'n ɔ'a hele bé kɔsɔ. ¹⁸ Se Wawɛ Nwanzan-nwanzan'n man Zufu o, bé mọ be ti man Zufu o, yé kwalaa ye kwalaa ke ye fite Nyanmian anyunnun an, anin ɔ fi Kilisi.

¹⁹ Ɛhika ati, ɛmọ mọ be ti man Zufu'n, ɛmọ ti man nyɔfɔe anaan menian mgban kɔn. Nan sian die, ɛmọ ti Nyanmian anwɔntɛ mma kpa bɔkɔɔ, ɛmọ di yí afilie'n bie. ²⁰ Ɛmọ tí yí bɔ kpa. Asɔnɔn'n ti ke sua. Alimɔa nin anun, Nyanmian a sie Zozi Kilisi mmɔfɔe'n-mọ non yí mgbɔmanfɔe'n-mọ ke sua nin awula bé bɔ. Ɛmọ kɔsɔ wɔ yí sɔ ɛfɔla nin anun bie ke biliki. Alimɔa biliki'n mọ bé mọ be ɛ si sua'n be

sie yí ayialie nun asu kɔalaaka nán b'a fɔla sua nun asu'n, biliki sɔ'n y'ɔ le Kilisi muonun. ²¹ Yí y'ɔ man sua bɔndin'n yɔ kunngun ɔ. Eɛe yí y'ɔ man sua'n kɔ anwunno ɔ kaci asɔnɔn sua nwanzzan-nwanzzan man yé Mɔn ɔ. ²² Emɔ nun Kilisi, b'a yɔ sɔanlan munmuan kɔn. Emɔ wɔ sua'n mɔ be le si nun anun bie ke biliki. Emɔ nun bé bɔ nga'n-mɔ b'a kaci ke sua mɔ Nyanmian Wawe Nwanzzan-nwanzzan'n wɔ nun ɔ.

3

Pɔlv junman'n

¹ Ehika ati, mɔn seɛ Nyanmian mɔn man emɔ. Emɔ si ke Zozi dunman nun, Ejɔlekpa'n mɔ m mali m mɔli n geleti emɔ mɔ be ti man Zufu nun ati, b'a hyi mɔn Pɔlv b'a tɔ mɔn fiadi. ² Junman'n mɔ Nyanmian Kpili ehulo nun anun ɔ'a fa ɔ'a wula mɔn sa nun ke n ní man emɔ'n, mɔn de mɔn di ke emɔ a ti junman sɔ nun angan. ³ Junman sɔ'n, nvialie nun like yé Nyanmian a yí ɔ'a hele mɔn ɔ. Mɔn sa ati kalata ehi anun, m'an li mɔa m'an han like sɔ nun anwɔn ejɔle kaan m'an hele emɔ dada angɔnmɔn. ⁴ Se emɔ kɔnnga a, emɔ 'ba nwun yí ke nvialie nun like sɔ'n tɔ de Kilisi. ⁵ Nvialie nun like sɔ'n, daba Nyanmian a nyi man ɔ'a ngele man menian'n-mɔ. Nan sian diɛ, ɔ nanndi yí Wawe Nwanzzan-nwanzzan nun asu, ɔ'a yí ɔ'a hele yí mmɔfɔe nun yí mgbɔmanfɔe nwanzzan-nwanzzan'n-mɔ. ⁶ E'nwun nvialie nun like sɔ'n: bé mɔ be ti man Zufu mɔ be nun Kilisi a yɔ sɔanlan munmuan kɔn, ɔ fi Ejɔlekpa'n mɔ b'a le b'a li'n, be di Nyanmian afilie'n bie ke Zufu'n-mɔ. Anɔhɔba'n mɔ Nyanmian bɔli yí menian'n-mɔ nun sɔ nyila'n, emɔ kɔsɔ wɔ nun bie.

⁷ Ejòlekpa sò'n, Nyanmian a nwun mín nwòn anwunnvoe ò'a fa ò'a wula mín sa nun. Ò'a man m'an kaci sù akva ke m mós n géle menian'n-mò kùalaatin wò yí tunmin nùn anun. ⁸ Nyanmian anwòntiè mma'n-mò anun, n di man like fíí. Nan kùsù, ò'a man mín acediè ke m mós Ejòlekpa'n n géle emò mò be ti man Zufu'n. Ejòlekpa sò'n m'ò tó de Kilisi'n kele ninngè mgbakpa mò Kilisi le yí m'ò bọ yé sù'n. ⁹ Nyanmian Kpili mò ò'a bọ like biala'n, ò'a man mín atin ke n yí yí nviàliè nun ehyhye'n m'ò fiàli sù dede ò'a ju ene'n n géle menian'n-mò kùalaatin. ¹⁰ Ò man sian diè, Asònin'n y'ò man nyanmiansù mmòfue'n-mò mò be di kpain nòn tunminfue'n nwun Nyanmian ngele kpili'n m'ò sù nùn ò. ¹¹ Like'n m'ò jùnlínlín yí nwòn daba ke ò 'yò'n, ò nanndi yé Mìn Zozi Kilisi sù, ò'a man ò'a kpín sù. ¹² Kemò ye de Kilisi ye di, ese ye nòn yí y'a yò sùanlan munmuan kòn'n, yé kunnun nditi man yé kón. Ye le atin ye kùala ke ye fite Nyanmian anyunnun ahonminkan nun. ¹³ Ejòlekpa nùn ati, se mìn nwun yalè emò dunman nun an, nán be man bé nwòn bubu bé. Nan ò ti emò anunminnyanmòn wò Nyanmian anyunnun.

Pòlv ebòtve'n

¹⁴ Ehika ati, se mìn tó mín nyin mìn nian junman kpili'n mò Nyanmian a li a man yé nùn an, mìn kotò mín ja ebue nùn asù Siè nùn anyunnun. ¹⁵ Siè sò'n dunman'n la anwunno elò nòn asù ewa afilie kùalaa asù. ¹⁶ Mìn seìe yí ke, ò nanndi yí anunminnyanmòn kpili'n m'ò le yí nùn asù, ò fá yí Wawè'n ò wùla emò ekala nùn anwònseìe kpa. ¹⁷ Èse, ò nanndi emò dedi nùn asù, ò mán Kilisi tánlan emò ahonlín nùn anun. Mìn seìe yí ke ò mán emò só ndian be tánlan Kilisi

ehulo nun anun sele kpa. ¹⁸ Mɔn sele Nyanmian ke ɔ mán emɔ non anwontɛ mma'n-mɔ kɔalaatin hɔala be tí yí bu ke ehulo'n mɔ Kilisi kulo yé'n ti tetɛɛ, ɔ ti tunndɔn, ɔ kɔ anwunno ese ɔ ti kpɔnlɔn-mgbɔnlɔn kpa. ɔ ti man like nzemunde. ¹⁹ Nyanmian mán emɔ nwún ehulo'n mɔ Kilisi kulo yé'n. ɔ ti ananhɔɛ ke sɔanlan fíi ngɔala man ke ɔ nwun yí dede ɔ gua yí bu. Nan kɔsu, Nyanmian mán emɔ nwún yí kpa bɔkɔɔ like biala anun, nán Nyanmian nyila'n kɔalaatin a han emɔ. ²⁰ Nyanmian Kpili m'ɔ le tunmin m'ɔ fa di junman wɔ yé nun'n, ɔ kɔala ke ɔ yɔ like biala m'ɔ tala mɔ ye kɔ sele anaan mɔ ye kɔ junlɔn nun asu. ²¹ Yí m'ɔ kɔala like biala yɔ maan ɔ tala sɔ'n, anunminnyanmɔn hán yí wɔ Asɔnɔn nun anun wɔ Zozi Kilisi dunman nun cian daa! Amin.

4

Asɔnɔn junman'n

¹ Ehi, mɔn mɔ yé Mɔn dunman nun b'a tɔ mɔn fiadi'n, mɔn 'sele emɔ mɔn butu bé: Kemɔ Nyanmian a fele emɔ yí nwun'n, emɔ bó abalabɔ kpa m'ɔ sɔ yí nyɔn. ² Emɔ bébele bé nwun asi cian daa. Emɔ nyán ahɔnlɔn betɛɛ, ese be sí abɔtalɛ. Emɔ fá ehulo be súsɔ bé nwun nun. ³ Kemɔ Wawe Nwanzan-nwanzan nun a hohuan emɔ anɔan maan emɔ a yɔ kɔn'n, emɔ bó mɔndɔnlɔn be tánlan anɔannze sɔ nun anun wɔ anzɔnunjɔ nun. ⁴ Asɔnɔn'n m'ɔ ti ke Kilisi anwɔnnaan'n ti baa kɔnmgba. Wawe Nwanzan-nwanzan'n kɔsu ti baa kɔnmgba. Anyɔndasɔɛ like'n kɔsu mɔ yí ti yê Nyanmian a fele emɔ'n ti baa kɔnmgba. ⁵ Yé Mɔn Zozi ti baa kɔnmgba. Dedi'n ti baa kɔnmgba. Esɔnian'n ti baa kɔnmgba. ⁶ Nyanmian m'ɔ ti yé kɔalaa yé Si'n ti baa kɔnmgba.

ጋ sie yé kwalaaatin. ጋ nanndi yé kwalaa yé su, ጋ di yí junman'n. Eṣe ጋ wᵔ yé kwalaa yé nun. ⁷ Nan kusu, Kilisi a nian yí acedie nin anwun ጋ'a hye ጋ'a man yé ngokun ngokun. Acedie sᵔ'n ti tunmin mᵔ be fa be di Asᵔnin nin anun junman. ⁸ Ehi ati, Eहे Eḵᵔle'n le kan ke:

ጋ'a li kunnunmun ጋ'a fu anwunno

ጋ nun nganga'n-mᵔ a hᵔ.

Eṣe ጋ'a hye menian'n-mᵔ acedie.

⁹ Bé nwan: “ጋ'a fu anwunno”. Yí bu yᵔ le benin? Yí bu yᵔ le ke ጋ lili mva ጋ juli asie nin asu ewa. ¹⁰ Sᵔanlan'n mᵔ ጋ'a ju asie nin asu ewa'n, yí kᵔnmgba'n yê ጋ'a sa ጋ'a fu anwunno elᵔ nyanmiansu nin ጋ. ጋ wᵔ like biala ati asu, eṣe ጋ wᵔ eyuadi'n lika kwalaaatin. ¹¹ Yí yê ጋ'a hye acedie nin ጋ. ጋ'a sesie menian'n mmie-mᵔ ke yí mmᵔfue, mmie-mᵔ ke yí mgbᵔmanfue, mmie-mᵔ ke Eḵᵔlekpabᵔfue yê mmie-mᵔ kusu ke eṣᵔfu mᵔ be kele like. ¹² ጋ'a sesie bé kwalaa sᵔ maan Nyanmian anwontie mma'n-mᵔ kwalaa be di yí junman'n be man Asᵔnin'n mᵔ ti Kilisi anwᵔnnaan'n kᵔ yí nyunnun. ¹³ Yí die, anin yé kwalaa yé dedi'n yᵔ kᵔn ye si Nyanmian Awa'n. Eहे nin anun, anin yé ti a tin, y'a kaci ke Kilisi bᵔbᵔ muonun kpa bᵔkᵔ. ¹⁴ Yí sᵔ ehi anun, anin ye ngaci man ke mmatᵔnman kᵔn, nán atofue'n-mᵔ a nnaka man yé, b'a mmᵔ man yé tanngo tanngo ke asutue mgbaha bᵔ elee tanngo tanngo'n. ¹⁵ Nan se ye le ehulo ye kan ananhᵔle, ye yᵔ ananhᵔle like a, ye 'nyin ye tv Kilisi mᵔ li yé ti'n wᵔ like biala anun. ¹⁶ Se anwᵔnnaan nin akpᵔle akpᵔle'n kwalaa a hohuan bé nᵔan b'a yᵔ kunnun kpa a, ጋ fi Kilisi. Yí yê ጋ man anwᵔnnaan bᵔndin nin akpᵔle akpᵔle'n kwalaa sisa su ጋ yᵔ munmuan kᵔn ጋ. Yí

sò ati, sẹ akpòlẹ'n kòn biala yò like m'ò sẹ fata nún an, anwònnaan b̀ònd̀n'n nyin ẹsẹ ò kpasi ehulo nún anun.

Abalabò ẹtẹ'n ǹv̀n abalabò kpa'n

¹⁷ Ẹhì, yé M̀n dunman nun, ẹ 'nwun ẹjòlẹ m̀ò m̀n kan m̀n fua s̀v̀ m̀n kele ẹm̀ò'n. Nán man ẹm̀ò bu bé m̀ân'n kẹ bé m̀ò bẹ nzì man Kilisi'n. Ọ sanlìn kẹ ajònlìn mgban-mgban y'ò wò bé tí anun ò. ¹⁸ Bẹ nzì man ngẹlẹ fíí. Ngban'n m̀ò Nyanmian fa ce'n, bẹ nnyan man bie. Ọ sanlìn kẹ bẹ nzì man yí nwòn ẹjòlẹ fíí b̀òb̀ò. Ẹsẹ bé ah̀ǹlìn nún a kete s̀nman. ¹⁹ Bẹ nzì man nyian. B'a fa bé nwòn b'a wula satilífùẹ nyòlẹ'n-m̀ò anun yê ẹtẹ ngacile ngacile'n kwalaa gua bé nwòn ẹfian.

²⁰ Nan ẹm̀ò diẹ, nán ẹhì yê ẹm̀ò suanlìn wò Kilisi anwòn ò. ²¹ Ẹm̀ò a tí Zozi anwòn ẹjòlẹ'n kwalaaatìn. Ananhòlẹ'n m'ò t̀v̀ de Zozi'n, ẹm̀ò m̀ò bẹ tí yí menian'n, b'a han b'a hele ẹm̀ò. ²² M̀ò b'a hele ẹm̀ò'n y'ò le kẹ ẹm̀ò yáci bé asitanlan daba'n bẹ t̀ó. Asitanlan daba s'̀n, anỳnb̀l̀v̀ ẹtẹ m'ò wò nun'n, ò man ewue. ²³ Ẹm̀ò m̀án Nyanmian Wawẹ'n káci ẹm̀ò ah̀ǹlìn'n ǹv̀n bé ajònlìn'n kpa b̀òk̀ò. ²⁴ Ẹm̀ò bó abalabò kpa m'ò kele kẹ ẹm̀ò tí menian ǹv̀f̀òlẹ m̀ò Nyanmian muonun a b̀ò ò. Abalabò kpa s'̀n, ò di kẹ bẹ nwun yí asitanlan sẹsẹ ǹv̀n anwòntiẹ nun, m'ò kele kẹ ẹm̀ò tí ananhòlẹ nún anun sakpa.

²⁵ Ẹhì ati, ẹm̀ò yáci ato elie'n. Suanlan kòn biala hán ananhòlẹ héle yí manngòn. Ọ sanlìn kẹ yẹ tí anwònnaan baa k̀nmgba nún anun akpòlẹ akpòlẹ. ²⁶ Sẹ ẹm̀ò fẹ ẹya a, ẹm̀ò níán bé nwòn kpa nán ẹm̀ò a ndò man ẹtẹ nún anun. Nán bẹ fẹ ẹya dede maan alíẹ san s̀v̀. ²⁷ Nán bẹ man Ab̀nsanm̀v̀n nyan ẹm̀ò anwòn atin fíí. ²⁸ Suanlan m'ò wua'n, ò yáci yí

awue'n. Ɔ bó mǎndɪnlɪn, ɔ lí junman. Ɔ nyán yí nɔvan nun alie nán ɔ'a nyan bie ɔ'a bɔka sɔvanlan m'ɔ wɔ emian nun'n. ²⁹ Nán be man ejɔle ete fíí fi bé nɔvan fite. Nan be mán ejɔle m'ɔ tɪ kpa fi bé nɔvan fite. Ejɔle m'ɔ man sɔvanlan dedi'n kɔ yí nyunnun, ɔ bɔka bé mɔ be le tie'n yê ɔ tɪ kpa ɔ. ³⁰ Nán be bɔ Wawe Nwanzan-nwanzan alɔa. Ɔ wɔ emɔ anun maan emɔ nwun yí ke emɔ tɪ Nyanmian die dede ɔ kɔ ju cɪan mɔ Nyanmian 'de emɔ ati kpa bɔkɔɔ'n. ³¹ Emɔ yáci akunnun bile eyɔle'n nɔn eya efe'n, nɔn menian'n-mɔ eya ehan'n nɔn etetian'n, ɔ nɔn nzɔba ekpe'n. Emɔ yáci ati anun ete ninng'e'n kwalaa be gúa. ³² Nan emɔ yó ati anun kpa menian, be húlɔ bé nwɔn. Emɔ fá bé nwɔn ete'n-mɔ be hyé bé nwɔn ke Nyanmian falɪ emɔ die'n hyeli emɔ wɔ Kilisi dunman nun'n.

5

Yuein nun anun menian

¹ Ehika ati, kemɔ emɔ tɪ Nyanmian ehulo mma'n, emɔ bó mǎndɪnlɪn be yó bé ninng'e'n-mɔ ke yí. ² Emɔ mán bé asitanlan'n héle ke emɔ kulo Nyanmian nɔn bé manngɔn-mɔ ke Kilisi a hulo yé dede ɔ'a wu yé dunman nun'n. Ewue'n mɔ Kilisi a wu yé dunman nun'n tɪ ke afɔle nɔn tee eyie like m'ɔ tu ete'n. Like sɔ'n ban fanlan ke anatɪlɪ, ɔ sɔ Nyanmian anyɪn.

³ Emɔ tɪ Nyanmian anwɔntie mma, yí ti, nán man be tɪ satɪlɪfɔe nyɔlie fíí, anaan basa-basa eyɔle ɔ nɔn anyɪnbulɔ bɔbɔ emɔ afian elɔ. ⁴ Kwasianzemɔn, agɔlobenwɔn, ɔ nɔn ejɔle ete, nán be man bie fíí fi bé nɔvan fite. Nan like m'ɔ di ke emɔ yɔ'n, y'ɔ le Nyanmian asɪna. ⁵ Afɪ, emɔ nwún yí yuein ke

ṣvanlan biala m'ò yò satilífòe nyòlìe, m'ò tì basa-basa, m'ò tì acebè (afí, acebè eyòlè'n tì kè amvan esò), bé mò bè yò sò'n, bie fíí ngò man Kilisi nùn Nyanmian Belemgbin Mân nùn anun èlò lé. ⁶ Nán bè man ṣvanlan fíí kan mgban-mgban ejòlè ò laka emò. Mgban-mgban ejòlè sò'n-mò ati yê Nyanmian sikipè'n 'cì bé mò bè nyin nzò man yí nùn ò. ⁷ Menian sò'n-mò, nán bè nùn bé tu nùn fíí.

⁸ Daba anin emò wò awosin nùn anun. Nan sian diè mò emò nùn yé Mìn a yò ṣvanlan munmuan kùn'n, emò wò yuein nùn anun. Èhika ati, emò nánndì kè yuein nun menian. ⁹ Ì sanlìn kè ṣvanlan m'ò nanndì yuein nùn anun'n, ò bò bala kpa, ò tì sèse, èsè ò kan ananhòlè. ¹⁰ Emò bó m̀̀nd̀̀nl̀̀n bè nwún like m'ò sò Yé Mìn anyun nùn angonm̀̀n. ¹¹ Mgban-mgban ninngè'n-mò m̀̀ menian'n-mò yò yí awosin nùn anun'n, nán bè fa bé nwùn bè bò bé bè yò bie. Nan sè emò nwun yí a, emò héle kè ò tì ete. ¹² Menian sò'n-mò nyòlìe'n m̀̀ bè yò yí ǹ̀vialìe nun'n, sè bè kan an, ò tì nyian. ¹³ Nan m̀̀ bè kò tu nyòlìe sò'n-mò k̀̀valaa bè kò gua yuein nùn anun'n, kè bè kpìn bè tì yí'n, anin b'a nwun yí yuein. ¹⁴ Afí like biala m̀̀ bè nwun yí yuein'n, anin ò wò yuein nun. Yí sò ati yê b'a han kè:

Wó m̀̀ è lè dafí'n, tinngè,

Nyanmian anyunnun an, ò tì kè a wu.

Yí tì, fí ewue nun jasò

nán Kilisi 'ba man è fite yí yuein nùn anun.

¹⁵ Èhì ati, emò nían bé enanndìe nùn asò kpa. Nán bè nanndì kè menian m̀̀ bè nzi man ejòlè fíí ò. Nan emò nánndì kè mm̀̀ng̀̀elèfòe. ¹⁶ Kemò mèlè'n m̀̀ yè wò nun'n yò s̀̀'n, t̀̀m̀̀v̀̀n kaan m̀̀ emò kò nyan yí'n, emò fá lí Nyanmian junman'n kpa. ¹⁷ Èhì ati, nán

be yɔ ke ngɔbasiɖe'n-mɔ. Nan emɔ bó mɔndɔnlɔn be tí like mɔ Nyanmian kulo ke emɔ yɔ nun abɔ kpa. ¹⁸ Nán be non nzan be bu. Ɔ man sɔanlan yɔ ninnge basa-basa. Nan emɔ mán Nyanmian Wawe'n tánlan emɔ nun kpa. ¹⁹ Emɔ tó Izalaye ayɛ eyɛ ejue ɔ non asɔnɔn ejue be wówula bé nwɔn anwɔnsele. Emɔ fá bé ahɔnlɔn'n kɔalaatin be tó ejue be yí Yé Mɔn ayɛ. ²⁰ Yé Mɔn Zozi Kilisi dunman nun, emɔ lá Siɛ nun asɔ dahuu wɔ like biala anun.

²¹ Anyɔnnzɔ'n mɔ emɔ man Kilisi nun ati, emɔ bébele bé nwɔn asɔ bé manngɔn'n-mɔ anyunnun.

Yɛ non huan

²² Ehi, emɔ mmalasua'n-mɔ, emɔ bébele bé nwɔn asɔ bé hun-mɔ anyunnun ke emɔ bebele bé nwɔn asɔ Yé Mɔn anyunnun'n. ²³ Afi, belenzua sie yí yɔ ke Kilisi kɔsɔ sie Asɔnɔn'n. Asɔnɔn'n m'ɔ tí Kilisi anwɔnnaan'n, Kilisi y'ɔ tí yí Ngɔandefɔe nun ɔ. ²⁴ Yí sɔ ati, emɔ mmalasua'n-mɔ, emɔ bébele bé nwɔn asɔ like biala anun bé hun-mɔ anyunnun ke Asɔnɔn'n yɔ yí Kilisi anyunnun'n.

²⁵ Emɔ mmelenzua'n-mɔ kɔsɔ, emɔ húlo bé yɔ-mɔ ke Kilisi hulɔli Asɔnɔn'n dede ɔ wuli yí dunman nun'n. ²⁶ Ɔ'a yɔ yí sɔ ɔ'a fa yí non ejɔle'n non nzue ɔ'a bia Asɔnɔn'n, ɔ'a man yí nwɔn a tí ɔ'a fata Nyanmian. ²⁷ Afi, Kilisi kulo ke Asɔnɔn'n fite yí muonun yí nyunnun anunminnyanmɔn nun, mɔ efián fíí non like ete fíí non man yí nwɔn. Yí nwɔn a tí, be nnyan man yí nwɔn ejɔle ete fíí be ngan man. ²⁸ Ke Kilisi kpɔn kulo Asɔnɔn'n, mmelenzua'n-mɔ kɔsɔ húlo bé yɔ-mɔ ke bé muonun be kulo bé nwɔn'n. Sɔanlan m'ɔ kulo yí yɔ'n kulo yí muonun yí nwɔn. ²⁹ Afi, sɔanlan fíí kpɔli man yí sɔanlan baka'n lé. Nan ɔ di alɛ ese ɔ nɔan yí nwɔn ke Kilisi nɔan Asɔnɔn

nun asu'n. ³⁰ Asɔnɔn'n m'ɔ tɪ Kilisi anwɔnnaan'n, yɪ akpɔlɛ akpɔlɛ'n y'ɔ le yɛ. ³¹ Ehɛlɛ Ejɔlɛ'n nwan: *Ehika ati, belenzua'n fi yɪ sɪ nɔn yɪ nin abv anwɔn 'bajasu. ɔ 'fa yɪ nɔn bɔ yɪ yɪ nán bɛ munnyuan'n bɛ yɔ svanlan munmuan kɔn.* ³² Ajaa nun anwɔn ejɔlɛ sɔ'n, mɪn nɪan an, anɪn ɔ tu de Kilisi nɔn yɪ Asɔnɔn'n. Ejɔlɛ sɔ'n tɪ nɪalɛ nun ejɔlɛ kpili kpa. ³³ Ejɔlɛ'n kwalaa kwalaa'n y'ɔ le kɛ belenzua biala húlo yɪ yɪ kɛ yɪ muonun ɔ kulo yɪ nɔn'n. Balasua biala kɔsu mán yɪ hun anyinnzɔ.

6

Mmatɔnman'n-mɔ nɔn bɛ sɪ nɔn bɛ nin

¹ Emɔ mmatɔnman'n-mɔ, kɛmɔ emɔ nɔn yɛ Mɪn a yɔ svanlan munmuan kɔn'n, emɔ mán bɛ nyɪn sɔ bɛ sɪ nɔn bɛ nin. ɔ sanlɪn kɛ yɪ sɔ tɪ kpa. ² Nyanmɪan mala'n lɛ keke kɛ: “Man wɔ nyɪn sɔ wɔ sɪ nɔn wɔ nin.” ɔ tɪ alimɔva mala mɔ b'a bɔ anɔhɔba b'a tu sɔ kɛ: ³ “Nán wɔ asitanlan nun a yɔ kpa esɛ a hyɛ asɛ nin asu.”

⁴ Emɔ mɔ emɔ tɪ sɪɛ'n kɔsu, nán man emɔ kan emɔ mma'n-mɔ eya. Nan emɔ tá bɛ bɛ héle bɛ ngɛlɛ, esɛ emɔ tɪnnɛ bɛ wɔ yɛ Mɪn atɪn dɪɛ nin asu.

Nganga'n-mɔ nɔn bɛ mɪn-mɔ

⁵ Emɔ mɔ emɔ tɪ nganga'n, emɔ mán bɛ nyɪn sɔ bɛ mɪn-mɔ mɔ bɛ wɔ asɛ nin asu ɛwa'n kpa. Emɔ yɪ bɛ kunnun bɛ sɔ bɛ kɛ Kilisi yɛ emɔ lɛ sɔ yɪ ɔ. ⁶ Emɔ amɪn'n-mɔ anyunnun, nán man emɔ yɔ kɛ menian mɔ bɛ lɛ di junman bɛ kpɔnnɛ efɔva, kɔsu bɛ kaci bɛ nzin an, anɪn emɔ a bubu bɛ sa nɔn bɛ ja b'a tanlan sɔ. Nan emɔ yɪ bɛ kunnun bɛ yɔ like mɔ Nyanmɪan kulo kɛ Kilisi ngɔa'n-mɔ yɔ'n. ⁷ Emɔ fá ahɔnlɪn kpa

be lí kanga junman'n kanlanman. Ɔ ti ke yé Mún yê emə le di man yí, nan nán kulo menian'n-mə ala yê emə le di man bé ɔ. ⁸ Emə káci ke sɔanlan biala, se ɔ ti kanga o, se ɔ ti man kanga o, yí junman kpa m'ɔ kɔ li'n, ɔ 'nyan yí nwɔn ahatua m'ɔ fata'n yé Mún asa nun.

⁹ Emə múnlian'n-mə kɔsɔ mə be le nganga'n, emə yɔ́ bé kpa. Nán be kele bé ahulɔwɔa. Emə káci ke emə muonun kɔsɔ ti Kilisi ngɔa. Emə nɔn bé, emə Amin'n ti kɔn. Ɔ ti anwunno. Yí diɛ, ɔ nnian man sɔanlan nyunnun ɔ mmu man yí bi.

Nyanmian elɔe nin anwɔn ninnge'n-mə

¹⁰ Mún kalata nun agualɛ nun, mún kan mún kele emə ke emə kpɔ́nnɔde anwɔnsɛle'n sɔanlan mún-muan kɔn'n mə emə nɔn yé Mún b'a yɔ́'n, ɔ nɔn yí tunmin kpili nin anun. ¹¹ Emə fá Nyanmian elɔe ninnge'n-mə kwalaa be síe bé nwɔn. Emə fá síe bé nwɔn nán emə a hɔala bé ja nun jinlan wɔ Abɔnsanmɔn naka junman'n m'ɔ di nin anyun-nun. ¹² Ɔ sanlin ke nán kulo menian'n-mə yê ye nɔn bé le elɔe ɔ. Nan anwunno elɔ mmɔ́fɔe ati anun ɛte'n-mə, bé mə be di kpain, tunminfɔe nɔn bé mə be sie awosin mán'n mə be ti yé mgbɔ́fɔe'n yê ye nɔn bé le elɔe ɔ. ¹³ Ehika ati, emə fá Nyanmian elɔe ninnge'n-mə kwalaa be síe bé nwɔn! Yí diɛ, cian mə kpɔ́fɔe'n kɔ han emə'n, emə 'kɔala yí nyunnun jinlan be nɔn yí kɔn dede be di yí sɔ kunnunmun, anin emə te jin bé ja nun kpunndiin. ¹⁴ Yí ti, emə bóɔɔa bé nwɔn kpa be síe. Emə mán ananhɔle'n tánlan emə anun. Ananhɔle'n ti ke nzalafɔ'n beleti'n m'ɔ hyi yí taladiɛ nin asɔ'n. Sese eyɔ́le'n mə Kilisi a man emə a yɔ́ wɔ Nyanmian anyunnun'n, ɔ káci ke emə elɔe taladiɛ. Taladiɛ sɔ́'n ti bulalɛ. Be wula

be sisa bé hue'n. ¹⁵ Emò mán bé nwun te bé be bó Ejòlekpa'n m'ò man alvacicie'n. O ti ke elòe mgbabua mò nzalafu'n wula o. ¹⁶ Emò tíla dedi nun anun be sísa bé nwun. O ti ke elòe nun anun ebwin tetele'n mò nzalafu'n tila o sisa yí sʋanlan baka'n, nán taa nun acɔ nun dadie'n-mò a ngan man yí. Se emò yò yí sò a, emò 'ba huala Abònsanmòn taa'n-mò kwalaa mò b'a sò gʋgòhun'n nonuan. ¹⁷ Ngʋan'n mò Ngʋandefue Zozi a man emò'n, o ti ke nzalafu'n bulale kele'n m'ò sv'n. Emò fá Nyanmian Anʋan Ejòle'n mò Wawe Nwanzan-nwanzan'n fa man emò'n be lí junman ke nzalafu'n fa yí dadie'n di'n. ¹⁸ Mele biala anun, emò tánlan Nyanmian Wawe nun anun be séle Nyanmian. Emò mán bé nyin kpála be tánlan mmotue nun anun cinnjin kpa. Emò séle Nyanmian be mán yí anwontie mma'n-mò kwalaaatin.

¹⁹ Emò séle Nyanmian be mán mín kʋsʋ maan o fá ejòle m'ò di mò mun kan nun ala o wúla mín nʋan. O mán n nyán anwõnsele m mó nvialie Ejòlekpa'n n géle menian'n-mò. ²⁰ Ejòlekpa sò'n mò n di sv bəfue, mò yí ti yê b'a bə mín kpaun'n, ejòle mò Nyanmian kulo ke mun kan'n, o mán n nyán anwõnsele n gán.

Ngalie nʋn nyila

²¹ Tisiki m'ò ti yé ehulo anianman'n, o sv Kilisi ananhòle nun o bʋka mín ye di yé Mìn junman'n. O 'ba bə kwalaa kwalaa'n o kele emò, nán emò a nwun ejòle mò o'a tʋ mín'n. ²² Ehika ati, mun sʋan anianman sò'n emò anwõn elɔ maan o kan kele emò ke ye ti akpòle, nán emò ahõnlín a tʋ bé kunnun b'a nyan anwõnsele.

²³ Sɪe Nyanmian Kpili nʋn yé Mìn Zozi Kilisi cíci anianman'n-mò kwalaa alba, be mán be nyán ehulo, o nʋn dedi. ²⁴ Bé kwalaa mò be le ehulo m'ò le

man ayueliε be kulo yé M̀un Zozi Kilisi'n, Nyanman
nwún bé nwun anwunnvoe.

Nythyε Fufɔlɛ'n
Anyin: Nythyε Fufɔlɛ'n New Testament

copyright © 1997 Wycliffe Bible Translators, Inc.

Language: Agni Sanvi

Contributor: Wycliffe Bible Translators, Inc.

All rights reserved.

2024-02-11

PDF generated using Haiola and XeLaTeX on 21 Feb 2024 from source files
dated 29 Jan 2022

b4bf56fc-6e3d-5a7c-9f55-25d2c3645a88